

《瑜伽師地論》卷八十五中的四緣

復有四緣，能令諸行展轉流轉。何等為四？一、因緣，二、等無間緣，三、所緣緣，四、增上緣。

即此四緣，略有二種：一因，二緣。因唯因緣，餘三唯緣。

【b1】又因緣者，謂諸行種子。

【b2】等無間緣者，謂前六識等及相應法等無間滅，後六識等及相應法等無間生。

【b3】所緣緣者，謂五識身等以五別境為所緣，第六識身等以一切法為所緣。

【b4】增上緣者，謂五識等以眼等各別所依為增上緣，及以能生作意等為增上緣，意識身等以四大種身及能生作意等為增上緣。

又先所造業，望所生愛非愛果，當知亦是增上緣；如是資糧望道，道望得涅槃，當知亦是增上緣攝。